

Filemo-ò

Paulo Tyyriti Filemo-ò

¹⁻²Jiarỹ Paulo rare. Jesuisi Kristu òraru-ki ròtena-ki wãhãre. Tximòtxi iny seriòre wese jiarỹ-wana adee Filemo-ò rybe rewahinyrenyre. Kai inyluunareny, iny wiòhenadỹydu tate. Tule Afia-ò, rewahinyreri, tii iny wyòrenyò rare. Tule Arikipu-ò, rewahinyreri iny rybe tỹnydỹydu-ki ijoio rare. Tule ityhydỹydu mahãdu-ò rewahinyreri, aheto dohodỹyãna ijoio-ò wahe. ³Ruxetòena ywina-wana Deuxu iny tyby-ribi, Jesuisi Kristu iny iòlò ribi adeeremy kanakemy watzireri.

⁴Deuxu-ò rexitòenyreu, atxi, Filemo, wanohòti reamyhỹre. Tai umy rarybera. ⁵Kai dori Jesuisi tetyhynyte, inyiòlò luummy, ityhydỹydu mahãdu luummy atximahãte. Kia-ò raholamyhỹre. ⁶Tule rexitòenymahãreu kiamy jiarỹ rarybemahãre. Kai iny wixira-ò Deuxu aomydỹyãnanamy belyykeu, Kristudeewimy bierynanyke. Kia inydeeremy rexitòenyre Deuxu-ò. ⁷Jiarỹ wadeysatyhyreri, kai dori aluuna iny wixira dee ratximyhỹre. Kia heka deysana nihikỹ ityhydỹydu mahãdu-ò rare, tii riwawowesenymyhỹre.

⁸Jiarỹ timy atxikemy adee ararybekeki, tule ke heka arateranyke. Jiarỹ dori aityhydỹydu seriòre rare. ⁹Tahe aluudỹyãna òraru-ki tahe adee arexitòenykre. Jiarỹ Paulo rare. Ròtenawo-ki jiarỹ roire Jesuisi Kristuluu òraru-ki. ¹⁰Wariòre wese dee rexitòenyre. Onesimo wariòre wesemy redyreri Kristu tyhydỹyãna-ò waribi umy wese kaki ròtenawo-ki rare. ¹¹Tiu heka adee riwahinyomyhỹre tii dori juhuu awiòhedỹydyutyhy aòkò rare. Wijile tahe iny diwiòhenanymyhỹde adee wadee tule. ¹²Tii adee reteonyreri. Ixyby araòkesedỹyãnyreri. Kai ixi-ki bimye wawesemy, wadee dori tii awityhy rare. ¹³Jiarỹ dori ixideele remyòre wawiòhedỹydu kaki ròtenawo-ki Rybewihikỹ dohodỹy òraru-ki. Kia òsỹny adee awire. ¹⁴Urile aòkòmy marybekeki tii arimyòthy. Kai aõ wadee bidiwahinykeki, kai ixi sohojile inihe biwahinykre. Waixitòena-ki aòkò. ¹⁵Onesimo heka aribi irehemy rexijere ijò bededỹyãnana wixirau, tahe wijile tiemy abrysimykre. ¹⁶Juhuu wesemy aòkò ihỹre deòdumy wahe, wiji aseriòre wesemy heka rare. Tii heka waluutyhy rare, adee tulekemy ityhydỹydu wese wiluukemy wadee awire. ¹⁷Kai wabiòwakeki, tii birybenyke iwese tiwarybenymyhỹte wese. ¹⁸Aõ adee

rasiranyreki, jiarĩ ariwònykre teròwimy. Jiarĩ iximyna kaa retyyritinyre: Jiarĩ Paulo ariòwynykre. ¹⁹Kai waòraru-ki ityhydýdumy atximahâte. Kia tahe adee tuu ararybeòthy.

²⁰⁻²¹Warybe mynamy ta kai bòwidýykre Kristu òraru-ki, tai ta biwadeysanykre. Jiarĩ warybe rewahinyreriu, araeryre, waixitòedýyna ratyre biwinykre. ²²Ijòmy adee arexitòenykre: wasý waherina ahetowo-ki biwinykre. Deuxu-ò bexitòenykreki, tai jiarĩ aòhe-wana adeereny aròòsekre.

²³Epafa wabiòwa ròtenawo-ribi adee riwehityhynanyreri

(jiarýboho kaki waximyhýrenyre Jesuisi Kristu Rybe òraru-ki), ²⁴tule Marku, Aristarku, Dema, Luka-wana rexiwehityhynanyreri. Kia ibutumy heka Deuxu-ò aòmýsýdýdumy roire.

²⁵Jesuisi Kristu làhàna awo-ki ratximyhýre.



(Filemo-ò 1.8)